

FUTBOLA

Sportingen beherakada aprobetxatzera

Reala negatiboren bat utzi asmoz zelairatuko da gaur El Molinon zelaian

Reala negatiboren bat utzi asmoz zelairatuko da gaur El Molinonen, Sportingen aurkako partiduan. Momentu txarrean diren bi talde izango dira aurrez aurre. Donostiarrek zortzi negatibo dituzte, eta Gijonekoak egoera arriskutsuan sartu dira, denboraldi hasieran aurreko tokietan ibili ondoren.

PELLO ALESTARRAN / DONOSTIA

Gaur Realak jokatu duen partidua zaila izango dela argi dago. Toshackek zuzentzen duen taldea promozio postuetan dago, zortzi negatiborekin, eta derri gorrez behar dute emaitza positiboren bat egoera horretatik ateratzeko itxaropena eduki ahal izateko.

Aurreko asteazkenean partidu garrantzitsua zuten txuri-urdinek Lleidan, baina partidu ona jokatu eta konfidantza hartzeko aukera ez zuten aprobetxatu, bigarren mailako talde baten kontra. Gaur, presio handiarekin jokatu du Realak zalantzarik gabe, Andoni Imazek ondo adierazi zuen bezala jadanik ezin baitute ezer barkatu.

KODROREN BAJA GARRANTZITSUA Toshackek baja garrantzitsua izango du gaurko partiduan, Meho Kodro bosniarrarena hain zuzen ere. Aurrelariak kolpe gogorra izan zuen Kopako neurketan, eta deialditik kanpo geratu da. Beraz, aldaketa egin beharko du entrenatzaile galestarrak aurrekaldean. Ziurrenik, Miguel Fuentesek jokatu du Kodroren

Zelaia: El Molinon Ordua:17.00		
SPORTING		REALA
ALINEAZIOAK		
RODRI	1	YUBERO
ARTURO	2	IMANOL
PABLO	3	URIA
ABELARDO	4	PIKABEA
MUÑIZ	5	LARRAÑAGA
RAUL	6	ALABA
JUANETE	7	OCEANO
IORDANOV	8	IMAZ
SCOTTO	9	FUENTES
EMILIO	10	CARLOS XAVIER
MANJARIN	11	ALKIZA
BERT JACOBS	Ent.	J.B.TOSHACK

Epailea: Garcia de Loza



Alkizaren gol tatek eman zion garaipena iaz Realari El Molinonen. RUIZ

ordez, Alkizarekin batera.

Gauzak horrela, hau izan daiteke Toshackek aterako duen hamaikako titularra Sportingen kontra: Yubero; Imanol, Pikabea, Oceano, Alaba, Uri; Larrañaga, Carlos Xavier, Imaz; Fuentes eta Alkiza. Ordezkoen aulkian izango dira Patxi, Guru-

zeta, Agirre, Loinaz, Luis Perez eta Lumbreras.

Ikusi egin beharko da zein den donostiarrek egiten duten joko. Partidua etxetik kanpo izanik, emaitza ona litzateke berdinketa. Dena den, Realaren egoera ikusita, bi puntuen bila atera beharko lukete jokalariek. Etxean hain

✓ Meho Kodro deialditik kanpo geratu da belaunean kolpe handia duela-ko, eta bere tokia Miguel Fuentesek hartuko du gaur El Molinonen.

kaskar ari den aurkariaren kontra jokatzeko dutela kontuan hartuta gainera. Asturiarrek bi partidu irabazi dituzte El Molinonen aurtengo denboraldian, eta lau gol besterik sartzeko gai ez dira izan.

BEHERAKADA HANDIA URTARRILEAN Gijoneko Sportingek oso ondo hasi zuen aurtengo denboraldia, Bert Jacobs entrenatzaile holandarraren eskutik. Jokalari gazteekin lan egin zuen Jacobsek, eta hauek oso ondo erantzun zuten aurreko jardunaldietan. Lehen postuetan ibiltzeko gai ere izan ziren asturiarrak.

Baina urte berriarekin batera, beherakada handia izan zuen Sportingek. Joko txarra, eta emaitza kaskarrak, batez ere etxean. Hamahirugarren tokian sailkatuta dago, 19 puntu eta positibo batekin. Gaur galduz gero, egoera arriskutsuan jarriko lirateke Jacobsen mutilak. Holandarrak hamaikako hau aterako du: Rodri; Arturo, Abelardo, Muñiz, Pablo; Raul, Iordanov, Scotto, Emilio; Juanele eta Manjarin.



Scotto argentinarra.

Jacobs: «Badakit nola jokatu Realak gaintzeko»

DONOSTIA

Bert Jacobs entrenatzaile holandarra lan polita egiten ari da Sportingen. Jokalari gazte asko zelairatzen ditu partiduetan, eta orain arte gauzak nahiko ondo egin dituzte, azkenaldian beherakada izan duten arren. Emaitza onak lortzen dituzte etxetik kanpo, baina etxean partidua aurreratzeke arazo askotxo izan dituzte.

Jacobsen hitzetan, beharbada presio gehiegi dute jokalariek El Molinonen jokatzeko dutenean. «Taldea badi kalitatea, eta etxeko partidua ziurtatzea espero dut. Orain arte batzuetan ez dugu golak sartzen asmatu, eta beste batzuetan ez dugu ondo jokatu. Dena den, Kopan Zaragozaren aurka irabazi ondoren konfidantza dugu Realaren partidurako».

Realak partidu onak egin ohi ditu El Molinonen. Jacobsentzat, argi dago Realari irabaztea zaila izango dela.

Bi puntuen bila jokatu beharra

P.A. / DONOSTIA

■ Gaurko partidua garrantzitsua da bai Sportingentzat eta bai Realarentzat. Bi talde gazte dira, jokalariek onak dituztenak baina oraindik beren iparra aurkitu ez dutenak. Asturiarrak hamahirugarren tokian daude, eta Realak berriz, hamazazpigarren. Gaur gaitzen duenak, arazo askotxo izan ditzake aurrerantzean.

Argi dago zelaira ateratzen diren jokalariek guztiek izango dutela presioa. Jacobsen mutilek, etxean jokatzeko dutelako, beren zaletuen aurrean. Realak berriz, negatiboen zama larria lehenbait

lehen arindu behar dutelako. Egoera honetan, oso zaila da partiduan zer gerta daitekeen esatea.

Egia da Realak partidu onak egin ohi dituela El Molinonen (hor irabazi zuen bere lehen Liga, eta iaz ere bi puntuak eskuratu zituen Bittor Alkizak sartutako gol bati esker). Baina gaur donostiarrek zein aurpegi erakutsiko duten ikusi beharko da. Joko ona egin eta partidua aurrera ateratzeko gai direla erakutsi dute batzuetan, besteetan ordea... hutsaren pareko.

Berdinketa emaitza ona izango litzateke Realarentzat, baina

bi puntuak lortu asmoz jokatu behar dute, atzean ezkutatu gabe. Horrela adierazi zuen atzo Bixio Gorritz veteranoak. Bere esanetan, Gijonekoek izango dute presioa, eta hori aprobetxatu egin behar dute. «Ezin gara berdinketarekin konformatu. Presioa Sportingek izango du, eta guk jokoaren erritmoa ezarri eta kontraerasoetan partidua erabakitzeko saiatu behar dugu. Zortzi negatibo izanik, etxetik kanpo ahalik eta puntu gehien ateratzen saiatu behar dugu, eta horretarako lehen aukera gaur dugu. El Molinonen emaitza onak lortu ohi ditugu».

Bermioko Herri Enpresa batek, behar du:

ADMINISTRARI LAGUNTZAILEA

Administral beharretaz (artxibo, mekanografia eta abar) arduratuko da, baita bisitak jaso, harrera eman eta elkarrizketak kontzertatu ere.

FP II mailako prestakuntzarekiko pertsona gazte baten pentsatsen dugu. Antzeko lanpostuen esperientzia, euzkera hizketa mailan menperatzea eta informatika erabiltzaile mailan baloratuko da.

Enpresa sendo batean gehitzea eta eguerdiko lana eskaintzen da.

Zuzendu curriculum zehaztua ICESA-ra (Plaza Sagrado Corazón, nº 5 6ª planta 48011 BILBO). Kartazalean 5.186 Erref. zbk. idatzi. Haremanetarako telefono zenbakia ere adierazo barruan.

ICESA